



ԵԿԵՂԵՑԱԿԱՆ ԲԵՄ. ԼՈՒՐԵՐ

Մարտի 1-ին, կիրակի.—Բուն Բարեկենդան.

Այսօր Մայր տաճարում, փակված Ավագ խորանի վրա, ս. պատարագ է մատուցում Ս. Բարսեղ քհն. Ղազարյանը:

«Հայր մեր»-ից առաջ «Մեծի Պահոց» խորհրդի մասին հոգեւից քարոզ է խոսում Վեհափառ Հայրապետը՝ «Աստուած, քաւեա զիս զմեղաւորս» (Ղուկ. ԺԸ 13) բնաբանով:

Մարտի 2-ին, երկուշաբթի.—Այսօր, առափոխյան, հոգևոր ճեմարանի ուսանողությունը մեկնում է Ծաղկաձոր՝ չորսօրյա ձմեռային հանգստի:

Մարտի 4-ին, չորեքշաբթի.—Այսօր ըսկրպում է «Զկարգ Ապաշխարութեան և զԱրևագալի և Ծաշու ժամերգությունն», իսկ «Յերեկոյան զԽաղաղականն»:

Նույն օրը, երեկոյան, ուխտավորաբար Մայր Աթոռ է ժամանում Դամասկոսի հայոց թեմի առաջնորդ Ս. Ոսկան ծ. վրդ. Գալքակյանը:

Երևանի օղանավակայանում հայր սուրբին դիմավորում է Ս. Մովսիկ վրդ. Սարգսյանը:

Մարտի 8-ին, կիրակի.—Բ կիրակի Զառանդորդական Պահոց (Արտաքաման).

Այսօր Մայր տաճարում, Ավագ խորանի վրա, ս. պատարագ է մատուցում Ս. Ստեփանոս արք. Չաքալյանը:

«Հայր մեր»-ից առաջ «Աստուած, քաւեա զիս զմեղաւորս» բնաբանով քարոզ է խոսում Վեհափառ Հայրապետը՝ ընդգծելով մարդու քարոյական մաքրության անհրաժեշտությունն ու կարևորությունը:

Նույն օրը Ս. Ոսկան ծ. վրդ. Գալքակյանը մեկնում է Նյու Յորք՝ մասնակցելու հա-

մար տեղի համալսարանի կողմից կազմակերպված մուսուլմանական ֆենդամենտալիզմի վերաբերյալ լսարանական հավաքին:

* * *

Մարտի 11-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

* * *

Մարտի 15-ին, կիրակի.—**Գ կիրակի Քառասնորդական Պահոց (Անառակին).**

Այսօր Մայր տաճարում, Ավագ խորանի վրա, ս. պատարագ է մատուցում Ս. Մովսիս վրդ. Սարգսյանը:

«Հայր մեր»-ից առաջ քարոզում է Վեհափառ Հայրապետը՝ տալով «Անառակ որդու» առակի մեկնությունը:

* * *

Մարտի 18-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

* * *

Մարտի 22-ին, կիրակի.—**Դ կիրակի Քառասնորդական Պահոց (Տնտեսին).**

Այսօր Մայր տաճարում, Ավագ խորանի վրա, ս. պատարագ է մատուցում Ս. Նարեկ քհն. Մատարյանը:

«Հայր մեր»-ից առաջ «Տուր զհամար տնտեսութեան քո» (Դուկ. ԺԶ 2) բնաբանով քարոզ է խոսում Վեհափառ Հայրապետը:

«Զկնի սրբոյ պատարագի» կատարվում է հոգեհանգիստ՝ Երևանի առաջնորդանիստ Ս. Սարգիս եկեղեցու վերանորոգության բարերար տիար Գևորգ Քյուրքճյանի տիկնոջ՝ նորոգ հանգուցյալ տիկին Նորմա Քյուրքճյանի հիշատակին:

Նույն օրը Վեհափառ Հայրապետը ցավակցական հեռագիր է ուղարկում Մայր

Աթոռի բարերար տեր և տիկին Սարգիս և Աստղիկ Քյուրքճյաններին՝ իրենց հարսի մահվան կապակցությամբ, և տիար Գևորգ Քյուրքճյանին:

* * *

Մարտի 25-ին, չորեքշաբթի.—Այսօր, երեկոյան, Լոնդոնից ուխտավորաբար Ս. Էջմիածին է ժամանում Մայր Աթոռի միաբան, Լոնդոնի հայոց Ս. Պետրոս եկեղեցու հոգևոր հովիվ Ս. Հայկազուն աթղ. Նաջարյանը:

Երևանի օդանավակայանում հար սուրբին դիմավորում է Ս. Եզնիկ քհն. Պետրոսյանը:

* * *

Մարտի 26-ին, հինգշաբթի.—Այսօր հոգևոր ճեմարանի դահլիճում սրտի մասին հետաքրքիր և բովանդակալից զեկուցումով հանդես է գալիս հայտնի սրտաբան, բժըշկական գիտությունների դոկտոր Զավեն Դոլաբջյանը: Վերջում հարգելի դասախոսը պատասխանում է հոգևոր ճեմարանի դասախոսների և ուսանողների տված հարցերին:

* * *

Մարտի 29-ին, կիրակի.—**Ե կիրակի Քառասնորդական Պահոց (Դատաւորին).**

Այսօր Մայր տաճարում, Ավագ խորանի վրա, ս. պատարագ է մատուցում Ս. Բարսեղ քհն. Ղազարյանը:

«Հայր մեր»-ից առաջ քարոզ է խոսում Վեհափառ Հայրապետը՝ տալով «Անիրա դատաւորի» առակի մեկնությունը:

* * *

Մարտի 31-ին, երեքշաբթի.—Այսօր, երեկոյան ժամը 19-ին, Վեհարանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստ:

